


焦氏易林

541
/



門 D 門
541
1

和
316
1

學
書

焦氏易林

按宋本重雕

吳門黃

所錢文
有恂那

明治廿年三月廿日
和錢物

吳門黃

氏盛版

廷宋本重印

美大子易林

刻易林序

廣圻十六七歲時從游於長洲張白華師假館程子念鞠家鄙性不耽尚時藝每問師讀古書之法師指誨靡倦念鞠既同門而頗蓄書甚相得也先是念鞠有陸敕先手校本易林在師所枚菴漫士吳君借而失去廣圻後聞其事恨不一見多方搜訪久之遂獲袁君綬階以枚菴所臨及餘姚盧抱經學士所臨等本相示最後陸本歸黃君堯圃取勘一過良多是正乙丑冬客江寧堯圃以札來告將謀付刊去冬返及里門則釐然在目焉而屬序其簡首回憶初知有是書之日倏忽二十五六寒暑曾不一瞬唯師頤德弗營精神巋然而念鞠以薄宦遽化於外廣圻亦復行年四十有三久見二毛矣方思悉數吾吳人物源淵典籍流派所聞所見加以筆記存諸敝篋示我兒曹稍傳文獻

廣圻

所錢文
有恂那

之信而蕘圃刻是書顛末乃可為其中一事者也敢即舉而書之嘉慶十三年歲在戊辰春正月下旬元和顧廣圻

刻陸敕先校宋本焦氏易林序

世所行諸刻易林悉出自明內閣本成化癸巳彭華題後可證也分上下經為卷或又析之作四卷而其譌舛不可卒讀則蓋同近好事者多傳臨陸敕先校宋本文句碩異實視諸刻遠勝往歲陸手勘者歸予家續又收葉石君校本取以參驗先所傳臨竟有稍益失真處故付之刻凡陸勘而誤必存其真雖可知當為某字者終不輒以改竄亦猶予向日刻他書之意耳其諸刻所附而陸勘未及者蓋皆非出於宋本概不載入陸僅就嘉靖四年所刻以勘而記於上方云卷次非宋本考季滄葦延令宋板書目焦氏易林十六卷八本未知其為即校宋本之祖抑板同而又有一部然分卷十六確鑿可信尚與隋志數合又嘗見一別本乃如此今特據之實每卷四卦也延令藏書散失流

轉予得之頗不少此書當仍在天壤間安能一旦再出使所謂全注並傳且行款偏旁均復舊觀必將為陸勘助掃落葉豈不更快識於此冀我二三同志搜訪之云

嘉慶十三年閏五月十日黃丕烈書

Blank columns with faint bleed-through text from the reverse side of the page.

焦氏易林卷第一

乾之第一



乾 道陟石阪胡言連蹇譯瘖且聾莫使道通請謁不行求事無功

坤 招殃來螫害我邦國病在手足不得安息

屯 陽孤亢極多所恨惑車傾蓋亡身常憂惶乃得其願雌雄相從

蒙 鵠鷓鳴鳩專一無尤君子是則長受嘉福

需 目矚足動喜如其願舉家蒙寵

訟 罷馬上山絕無水泉喉焦唇乾舌不能言

師 倉盈庾億宜稼黍稷國家富有人民蕃息與比之升坤之恒同

比 中夜狗吠盜在墻外神明祐助銷散皆去

乾

易林

士礼居藏

小畜据丰運樞順天無憂與樂並居

履空拳握手倒地更起富饒豐衍快樂無已

泰不風不雨白日皎皎宜出驅馳通理大道與坤同

否載日晶光驂駕六龍祿命徹天封為燕王

同人子號索哺母行求食反見空巢誓我長息

大有上帝之生福祐日成脩德行惠樂安且寧

謙山險難登澗中多石車馳韉擊載重傷軸僭負善蹟踈踈

右足

豫禹鑿龍門通利水源東注滄海民得安存

隨乘龍上天兩蛇為輔湧躍雲中遊觀滄海安樂長處

蠱彭祖九子據德不殆南山松栢長受嘉福

臨南山昊天刺政關身疾悲無辜背憎為仇

觀江河淮海天之奧府眾利所聚可以饒有樂我君子百福

是受

噬嗑堅冰黃鳥啼哀悲愁不見甘粒但觀藜蒿數驚鷲鳥為我

心憂

賁室如懸磬既危且殆早見之士依山山谷處

剝大禹式路蚩尤除道周匝萬里不危不殆見其所使無所

不在

復三人為旅俱歸北海入門上堂拜謁王母勞賜我酒

無妄傳言相誤非干徑路鳴鼓逐狐不知迹處

大畜三羊爭雌相逐奔馳終日不食精氣勞疲

頤純服黃裳戴上與興德義既生天下歸仁

大過桀跖並處人民愁苦擁兵荷糧戰於齊魯

坎 黃鳥采葉既嫁不答念我父兄思復邦國
離 胎生孚乳長息成就充滿帝室家國昌富
咸 三人求橘反得丹穴女貴以富黃金百鎰
恒 東山西岳會合俱食百家送從以成恩福
遯 弱雞無距與鵠交鬪翅折目盲為鳩所傷
大壯 隙大墻壞蠹眾木折狼虎為政天降罪罰高弒望夷胡亥
以斃

晉 三癡俱走迷路失道惑不知歸反入患口
明夷 弓矢俱張把彈折絃丸發不至道遇害患
家人 三女求夫伺候山隅不見復關長思歎憂
睽 陽旱炎炎傷害禾穀穡人無食耕夫嘆息
蹇 騎狔逐羊不見所望徑涉虎穴亡羊失羔

解 暗昧冥語相傳註誤鬼魅所舍誰知卧處

損 姬姜祥淑二人偶食論仁議福以安王室

益 公孫駕驪載取東齊延陵說產遺季紵衣

夬 孤竹之墟失婦亡夫傷於蒺藜不見少妻東郭棠姜武氏

以亡

姤 仁政不暴鳳凰來舍四時順節民安其處

萃 任劣力薄孱駑恐怯如蝟見鵠不敢拒格

升 衛侯東遊惑於少姬亡我考妣久迷不來

困 尊尊所言莫如我垣歡喜堅固可以長安

大有之屯

井 鸞鳴岐山龜應幽淵男女媾精萬物化生文王以成為周

開庭

革 玄黃虺隤行者勞疲役夫憔悴踰時不歸

鼎 弱足則跟不利出門市賈不利折亡為患

震 懸貮素餐居非其安失輿剝廬休坐徒居

艮 民怯城惡姦人所伏寇賊大至入我郭郭妻子俘獲一本為婦

辭妹

漸 陽低頭陰仰首水為灾傷我足進不利難生子

一本為艮辭

豐 太微帝室黃帝所宜藩屏周衛不可得入常安無患

旅 繭栗犧牲敬享鬼神嗜飲食受福多孫

巽 出門逢惡與禍為怨更相擊刺傷我手端

兌 鷓飛中退舉事不進眾人亂潰

渙 跛躄相隨日暮牛罷陵遲後旅失利亡泰之復

節 龍角博預位至公卿世祿久長起動安寧

中孚舜升大禹石夷之野徵詣王庭并治水土師之小畜同

小過從風放火荻芝俱死三害集房叔子中傷

既濟梗生荆山命制輸班袍衣剝脫夏熱冬寒飢餓枯槁莫人

莫憐

未濟長面大鼻來解已憂遺吾福子與我惠妻惠吾嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂成

屯 蒼龍單獨與石相觸摧折兩角室家不足

蒙 城上有烏自名破家招呼酖毒為國患災

需 霜降閉戶蟄虫隱處不見日月與死為伍小畜之解

訟 天之德室温仁受福衣裳所在凶惡不起

坤

易本一

日

師 皇陛九重絕不可登未見王公謂天蓋高
 比 孔德如玉出於幽谷升高鼓翼輝光照國
 小畜五軌四軌復得饒有陳力就列騶虞悅喜
 履 四足無角君子所服南征述職以惠我國
 泰 雷行相逐無有攸息戰于平陸為夷所覆
 否 六龍爭極服在下飾謹慎管鑰結禁毋出
 同人長男少女相向共語福祿歡喜

大有奸延惡人使德不通炎火為殃禾穀大傷
 謙 修其翰翼隨風向北至虞夏國與舜相得年歲大樂邑無
 盜賊

豫 鈇刀攻玉堅不可得盡我筋力眊亂為疾
 隨 舉被覆目不見日月衣裳簞簋就長夜室

比之
大過
泰之
臨同

蠱 賊仁傷德天怒不福斬刈宗社失其邦域

臨 白龍赤虎戰鬪俱怒蚩尤敗走死於魚口

觀 北辰紫宮衣冠立中含和建德常受天福

噬嗑稷為堯使西見王母拜請百福賜我善子

賁 三人異趣反覆迷惑一身五心亂無所得

剝 南山大猱盜我媚妾怯不敢逐退而獨宿

復 眾鬼所趨反作大怪九身無頭竟驚鬼去不可以居

無妄延頭遠望昧為目疾不見叔姬使伯心憂

大畜典冊法書藏在蘭臺雖遭亂潰獨不遇灾

頤 自衛反魯時不我與冰炭異室仁道隔塞

大過瘤癭禿疥為身瘡害疾病癘殘常不遠逮

坎 東齊郭盧嫁於洛都俊良美好媒利過倍

離 齊魯爭言戰於龍門構怨連禍三世不安比之蠱同人

咸 膏澤肥壤農人豐敵利居長安歷世無患

恒 倉盈庾億宜種黍稷年豐歲熟民得安息乾之師比之升

遯 鷓鴣破芥邦人危殆賴其忠德轉禍為福傾危復立

大壯 歲飢無年虐政害民乾溪驪山秦楚結冤

晉 樹潔累累締結難解嫫母銜嫁媒不得坐自為身禍

明夷 訾陬開門鶴鳴彈冠章甫進用舞韶和鸞三人翼事國無

災患

家人 弟妹合居與類相扶願慕群醜不離其處

睽 邯鄲反言兄弟生患涉叔憂恨卒死不還

蹇 三人逐兔各爭有得愛亡善走多獲鹿子

解 北辰紫宮衣冠立中含和建德常受天福坤之觀需之解

損 一拜跪請免不得其哺俛首銜枚低頭北去比之蠱同人

益 鶴盜我珠迹於東隅求之郭墟不見所居

夬 一簧兩舌妄言謬語三姦成虎曾母投杼

姤 孤獨特處莫與為旅身日勞苦使布五谷陰陽順序

萃 褰衣涉河澗流浚多賴遇舟子濟脫無他

升 憑河登山道路阻難求事少便

困 兔置之容不失其恭和謙致樂君子攸同

井 三女求夫伺候山隅不見復關泣涕漣如

革 螟蟲為賊害我五穀中雷空虛家無所食需之明夷

鼎 望尚阿衡太宰國公藩屏輔弼福祿來同

震 三年生狗以戌為母荆夷上侵姬伯出走需之訟否之姤

艮 塗過道塞求事不得

漸 探懷得蚤無有凶憂所願失道善居漸好
婦妹飛樓屬道趾多攪垣居之不安覆厭為患
豐 義不勝情以欲自傾幾危利寵折角摧頸
旅 潼滄蔚蒼扶首來會津液來降流淹滂霈
巽 白駒生芻猗猗盛姝赫喧君子樂以忘憂
允 車馳人趨卷甲相仇齊魯寇戰敗於犬丘
渙 舉首望城不見子貞使我悔生
節 龍鬪時門失理傷賢內畔外賊則生禍難
中孚安如泰山福喜屢臻雖有豺虎不致危身
小過初憂後喜與福為市八佾列陳飲御嘉友
既濟持刀操肉對酒不食夫行從軍小子入獄抱膝獨宿
未濟陰衰老極陽建其德履離戴光天下昭明功業不長蝦蟇

代王 否之无妄
大有之臨

屯之第三

屯 兵征大宛北出玉關與胡寇戰平城道西七日絕糧身幾
不全

乾 汎汎栢舟流行不休耿耿寤寐心懷大憂仁不逢時復隱
窮居

坤 採薪得麟大命隕顛豪雄爭名天下四分 豫之
未濟

蒙 山崩谷絕天福盡竭涇渭失紀玉麻盡已

需 夏臺姜里湯文所厄鬼侯俞賄商王解舍

訟 泥津汗辱棄捐溝瀆所共笑哭終不顯錄

師 李梅冬實國多盜賊擾亂並作君不能息 同人
之損

比 獐鹿逐牧飽婦其居反還次舍無有疾故 訟之
小畜

小畜夾河為婚期至無船淫心失望不見所歡
履百足俱行相輔為強三聖翼事王室寵光比之无妄
泰坐位失處不能自居賊破王邑陰陽顛倒
否登几上輿駕駟南遊合從散橫燕齊以強
同人三孫荷弩無益於輔城弱不守邦君受討
大有河伯大呼津不得渡船空無人往來亦難
謙甘露醴泉太平機關仁德感應歲樂民安大過之未濟
豫重茵厚席循臯採藿雖躡不懼反復其宅
隨太乙駕騶從天上來徵我叔季封為魯侯需之比否之大壯
蠱南巴六安石解戟天所指不已耄老復丁弊室舊墟更為
新家
臨家給人足頌聲並作四夷賓伏干戈韜閣一作觀卦

觀東隣嫁女為王妃后莊公築館以尊王母歸于京師季姜

悅喜一作臨卦否之既濟

噬嗑陳妻敬仲兆興齊姜營上是適八世大昌始之師比之豫

賁路多枳棘步刺我足不利旅客為心作毒損卦同

剝天官列宿五神共舍宮闕光堅君安其居

復牧羊稻園聞虎呻喧懼畏惕息終無禍患否之節

無妄鳴條之圖北奔犬胡左衽為長國號匈奴主君旄頭立尊

單于

大畜尅身潔已逢禹巡狩錫我玄珪拜受福佑

頤冬華不實國多盜賊疾病難醫鬼哭其室

大過襄送季女至于蕩道齊子旦夕留連久處

坎朽根倒樹花葉落去卒逢火焮隨風偃仆

離 陰變為陽女化作男治道得通君臣相承
咸 炎絕續光火滅復明簡易理得以成乾功
恒 多載重負捐棄于野子母誰子但自勞苦
遯 江河海澤眾利安宅可以富有飲御嘉客
大壯 冬採薇蘭地凍堅圻利走室北暮無所得
晉 鳥鳴嘻嘻天火將起燔我室屋災及姬后
明夷 蠱室蜂戶螫我手足不可進取為身害速履之
家人 崔嵬北獄天神貴客溫仁正直主布恩德開衣不已蒙受
大福
睽 伯蹇叔盲莫與守牀失我衣裘伐民除鄉
蹇 為季求婦家在東海水長無船不見所歡
解 山陵丘墓鬼鬼失舍精神盡竭長寢不覺

損 蹄牛失角下山傷軸失其利祿
益 水戴船舟無根以浮往來溶溶心勞且憂
夬 有鳥來飛集于古樹鳴聲可惡主將出去
姤 東徙不時觸患離憂并泥無濡思叔舊屋
萃 黃帝所生伏羲之宇兵刃不至利以屈止履之家
升 東山救亂處婦思夫勞我君子役無休已
困 跛躓未起先利後市不得鹿子
井 大蛇當路使季畏懼湯火之災切近我膚賴其天幸趨於
王廬損之比
革 從容長閒遊戲南山拜祠禱神使神無患一作震卦
鼎 區脫康居慕義入朝湛露之歡三爵畢恩復歸野廬與母
相扶

震 龜鱉列市河海饒有長錢善價商李悅喜一作革卦

艮 年常蒙慶今歲受福三夫採葩出必有得

漸 二人俱東道路爭訟意乖不同使君恼恼

歸妹 樹我藿豆鹿兔為食君不恤護秋無收入

豐 黃鳥悲鳴愁不見星困於鷲鳥鷲使我驚

旅 雙鳧俱飛欲歸稻食經涉雀澤為矢所射傷我胃臆否之晉

巽 久客無依思歸我鄉雷雨盛溢道未得通

兌 道路僻除南至東遼衛子善辭使國無憂

渙 同枕同袍中年相知少賈無失獨居愁思

節 眾神集眾相與議語南國虐亂百姓愁苦興師征討更立

賢主小畜之豫

中孚 北陸閉蟄隱伏不出目盲耳聾道路不通

小過 痴狂妄作心誑善惑迷行失路不知南北

既濟 棟隆輔強寵貴日光福善並作樂以高明

未濟 愛我嬰女牽衣不與冀幸高貴反曰賤下

蒙之第四

蒙 何草不黃至未盡玄室家分離悲愁於心

乾 海為水王聰聖且明百流歸德無有叛逆常饒優足損之履

坤 天所有禍不過家左輔右弼金玉滿堂常盈不亡富如

救倉

屯 安息康居異國穹廬非吾習俗使我心憂

需 范公鷓夷善賈飾資東之營上易字子皮把珠載金多得

利婦

訟 老楊日衰條多枯枝爵級不進遂下摧墮泰之咸

師 小狐渡水污濡其尾利得無幾與道合契

比 豕生魚魴鼠舞庭堂奸佞施毒上下昏荒君失其國

小畜 天地配享六位光明陰陽順序以成和平訟之震

履 蹀躞足傷右指病癱失旅後時利走不來

泰 異體殊患各有所屬西隣孤媪欲寄我室王母罵詈求不

可得

否 操矜鄉畝折貨稷黍飲食充口安利無咎

同人 人所受大喜福祿重來樂且日富蒙慶得財

大有 舉盃飲酒無益溫寒指直失取亡利不懼

謙 日月相望光明盛昌三聖茂承功德大隆師之節否之貴

豫 猾夫爭強民去其鄉公孫叔子戰於瀟湘

隨 猿墮高木不蹶手足還歸其室保我金玉否之臨益之豫訟之艮

蠱 逐狐東山水過我前深不可涉失利後便

臨 鑿井求玉非卞氏寶名困身辱勞無所得

觀 黃玉溫厚君子所服甘露溽暑萬物生茂

噬嗑 畫龍頭頸文章不成甘言善語說辭無名

賁 招禍致凶來弊我邦病在手足不得安息

剝 履位乘勢靡有絕斃皆為隸圉與眾庶伍

復 獐鹿雉兔羣聚東園盧黃白脊俱往趨逐九斨十得君子

有喜

無妄 織金未成緯畫無名長子逐兔鹿起失路後利不得因無

所據

大畜 天厭周德命與仁國以禮靖民兵革休息

頤 重譯賀芝來除我憂善說遂良與喜相求

大過膏澤肥壤人民孔樂宜利俱止長安富貴

坎 白龍黑虎起鬚暴怒戰於涿鹿蚩尤敗走居止不殆君安

其所同人之比

離 抱關傳語聳跛摧殆眾賤無下災殃所在

咸 憂禍解除喜至慶來坐立歡門與樂為鄰小畜之井

恒 折鋒載父輿馬放休狩軍依營天下安寧

遯 至德之君仁政且溫伊呂股肱國富民安

大壯千里望城不見山青老兔蝦蟆遠絕無家

晉 有莘季女為夏妃后貴夫壽子母字四海

明夷不虞之患禍至無門奄忽暴卒痛傷我心

家人飛鷹退去不食隣鳥憂患解除君主安居

睽 踉蹉側跌申酉為祟亥戌滅明顏子隱藏

蹇 司錄憑怒謀議無道商民失政殷人乏祀

解 望鷄得雉冀馬獲駒大德生少有瘳從居

損 忉忉怛怛如將不活黍稷之恩靈輒以存

益 莫莫輯輯夜作晝匿謀議我資來攻我室空盡我財幾無

以食

夬 天之所壞不可強支眾口指笑雖貴必危

姤 目動睫睨喜來加身舉家蒙歡吉利無殃

萃 龜羹芬香染指弗嘗口飢於手子公恨饒

升 天福所豐兆如飛龍成子得志六三以興

困 氓伯以婚抱布自媒棄禮急情卒罹悔憂

震 夏姬親附心聽悅喜利以搏取無言不許

艮 南山昊天刺政閔身疾悲無辜背憎為仇

井 三人為旅俱歸北海入門上堂拜謁王母勞賜我酒懽樂
無疆

革 愆淫旱疾傷害稼穡喪制病來農人無食
鼎 攫飯把肉以就口食所往必得無有虛乏
漸 鳥飛無翼兔走折足雖欲會同未得所欲
婦 妹體重飛難不得踰關不離室垣

豐 四雄並處人民愁苦擁兵西東不得安所
旅 譯重關牢求解已憂心感乃成與喜俱居
巽 患解憂除王母相於與喜俱來使我安居
兌 冬生不華老女無家霜冷蓬室更為枯株
渙 震慄恐俱多所畏惡行道留難不可以步
節 三人共妻莫適為雌子無名氏公不可知

中孚 早凋被霜花葉不長非時為災家受其殃
小過 雉兔之東狼虎所從貪叨凶惡不可止息
既濟 馬驚破車主墮深溝身死竟去離其室廬
未濟 山林麓藪非人所往鳥獸無禮使我心苦

焦氏易林卷第一

焦氏易林卷第二

需之第五

需 久旱三年草木不生霖盛空乏無以供靈

乾 火滅復息君明其德仁人可遇身受利福

坤 温山松栢常茂不落鸞凰以庇得其歡樂否之恒

屯 西誅不服恃強負力倍道趨敵師徒敗覆益之同人

蒙 三塗五岳陽城太室神明所伏獨無兵革

訟 二牛生狗以戌為母荆夷上侵姬伯出走坤之震 否之姤

師 鳧遊江海役行千里以為死亡復見空素長主凶憂

比 太乙駕騶從天上來徵君叔季封為魯侯無有凶憂屯之隨 否

小畜 維績獨居寡處無夫陰陽失忘為人僕使

需

易林

十一

士礼居藏

履 兵征大宛北出玉門與胡寇戰平城道西七日絕糧身幾

不全與屯同

泰 楚靈暴虐罷極民力禍起乾溪棄疾作毒扶伏奔逃身死

亥室

否 雌單獨居歸其本巢毛羽憔悴志如死灰

同人 兩矛相刺勇力鈞敵交綏結和不破不缺

大有 乘船渡濟載水逢火賴幸免禍蒙我生全

謙 喪寵溢尤政傾家覆我宗失國秦滅周室

豫 冬無藏冰春陽不通陰流為賊國被其殃

隨 田鼠野雞意常欲逃拘制籠檻不得動搖

蠱 佩玉藥兮無所繫之旨酒一盛莫與笑語孤寡獨特常愁

憂苦

臨 沒游源口求鮫為寶家危自懼復出生道

觀 河水孔穴壞敗我室水深無岸魚鱉傾側

噬嗑 教羊牧兔使魚捕鼠任非其人費日無功

賁 升户入室就温燠食冰凍北陸不能相賊

剝 孤竹之墟老婦无夫傷於蒺藜不見少妻東郭堂姜武氏

破亡乾之

復 凶禍災殃日益彰福不可釐三郤夷傷

無妄 載璧秉珪請命于河周公作誓冲人瘳愈

大畜 鳥升鵲舉照臨東海龍降庭堅為陶叔後封圻英六履祿

綏厚謙之

頤 危坐至暮請求不得膏澤不降政戾民忒

大過 宜昌娶嬪東家歌舞宴樂有序長樂嘉喜

坎 鑿井求玉非卞氏寶名困身辱勞無所得蒙之臨
離 鵠思其雄欲隨鳳東順理羽翼出次須日中留北邑復反
其室

咸 早霜晚雪傷害禾麥損功棄力飢無所食比之
恒 蝙蝠生子深目黑醜雖飾相就眾人莫取
遯 去如飛鴻避凶且東遂得全脫與福相逢
大壯 婚姻合配同枕共牢以降休嘉子孫封侯
晉 咸陽辰已長安戌亥上陵生止非魚鮓市不可辭阻終無

悔咎

明夷 螟虫為賊害我五穀簞食空虛家無所食坤之
家人 謀恩拜德東歸吾國慷慨宴笑歡樂有福
睽 齋具贖狸不聽我辭係於虎鬚牽不得來否之

蹇 比目附翼歡樂相得行止集周終不離忒
解 一指食肉口無所得染其鼎鼐舌饒於腹
損 曳綸江海釣挂魴鯉王孫得利以享仲友
益 商紂牧野顛敗所在賦斂重數黎元愁苦
夬 北辰紫宮衣冠立中含和建德常受天福坤之觀履之需
姤 輕戰尚勇不知兵權為敵所制從師北奔
萃 大口宣舌神使仲言黃龍景星出應德門與福上天天下
安昌大有之
升 凶子禍孫把劍向門凶訟謹置驚駭我家一作爭訟
困 祝伯善言能事鬼神辭祈萬歲使君延年
井 珪璧琮璋執贄見王百里甯戚應聘齊秦否之
革 昧且乘車履危蹈溝亡失裙襦摧折兩軸

鼎 膠着木連不出牛欄斯饗羔羊家室相安

震 卷領遁世仁德不吝三聖攸同周家茂興

艮 黍稷苗稻垂秀方造中旱不雨傷風枯槁

漸 冠帶南遊與福喜逢期於嘉貞拜為公卿

歸妹 一巢九子同公共母柔順利貞出入不殆福祿所在

豐 韓氏長女嫁於東海宜家富主柔順以居利得過倍

旅 因禍受福喜盈我室所願必得

巽 晉平有疾迎醫秦國病乃大患分為兩豎逃匿膏盲和不

能愈

允 杜飛門啓患憂大解脩福行善不為身禍

同人之夫

渙 追亡逐北至止而得稚叔相呼反其室廬

節 鳥鳴既端一呼三顛動搖東西危慄不安疾病無患

中孚 龍化為虎泰山之陽眾多從者莫敢救藏

小過 焱風忽起車馳揭揭棄名追亡失其和節憂心惛惛

既濟 遊居石門祿安身全受福西隣婦飲玉泉

未濟 登高上山見王自言申理我讒得職蒙恩

比之未濟同

訟之第六

訟 文巧俗弊將反大質僵死如麻流血濡櫛皆知其母不識

其父干戈乃止

乾 文王四乳仁愛篤厚子畜十男夭折無有

坤 日入望東不見子家長女無夫左手搔頭

屯 東上泰山見堯自言申理我冤以解憂患

蒙 奎軫溫湯過角宿房宣時布和無所不通

需 引船牽頭雖拘無憂王母善禱禍不成災

訟

易林二

四

師 鳧得水沒喜笑自啄毛羽悅澤利以攻玉公出不復伯氏

客宿

比 水流趨下欲至東海求我所有買魴與鯉

屯之比

小畜獐鹿逐牧安飽其居反還次舍無有疾故

履 樹植藿豆不得芸鋤王事靡盬秋無所收

泰 弱水之西有西王母生不知死與天相保

否 數窮廓落困於歷室卒登玉堂與堯侑食

同人子鉏執麟春秋作元陰聖將終尼父悲心

大有尹氏伯奇父子生離無罪被辜長舌所為

謙 播木折枝與母別離九臯難扣絕不相知

豫 弱雞無距與鵲格鬪翅折目盲為鳩所傷

隨 甲乙丙丁俱歸我庭三丑六子入門見母

蠱 桑葉螟蠹衣弊如絡女工不成絲布為玉

臨 開牢闢門巡狩釋寃夏臺姜里湯文悅喜

觀 欽明之德坐前玉食必保嘉美長受安福

噬嗑武夫司空多口爭訟金火當戶民不安處年飢無有

賁 紫閣九重尊嚴在中黃帝堯舜履行至公冠帶垂衣天下

康寧

剝 負牛上山力劣行難烈風雨雪遮遏我前中道復還憂者

自歡

復 褰兔缺唇行難齒寒口痛不言為身生患

無妄合體比翼嘉耦相得與君同好使我有福

大畜口啄卒卒憂從中出喪我寶貝妻妾失位

頤 兩心不同或從西東明論終日莫適相從

大過啞笑言與善飲食長樂行觴千秋起舞拜受大福

坎 初憂後喜與福為市八佾列陳飲御諸友坤之小過

離 西徙無家破其新車王孫失利不如止居

咸 鳳凰在左麒麟處右仁聖相遇伊呂集聚時無殃咎福為

我母

恒 區脫康居慕仁入朝湛露之歡三爵畢恩復歸舊廬否之坎

遯 疾貧望幸使伯行販關牢擇羊多得大牂

大壯 處高不傷雖危不亡握珠懷玉還歸其鄉

晉 右手棄酒左手牧牂行逢禮御餌得玉杯

明夷 養虎牧狼還自賊傷大勇小捷雖危不亡

家人 戴堯扶禹松喬彭祖西遇王母道路夷易無敢難者損之離師

離之

睽 秋冬探巢不得鵲鷦銜指北去媿我少姬

蹇 兩羝三牂俱之代鄉留連多難損其食糧

解 南徙無廬鳥破其巢伐木思初不利動搖

損 爭訟不已更相擊劔張季弱口被髮北走

益 延頸望酒不入我口初喜後否得利無有履之萃

夬 被髮傾走寇逐我後亡失刀兵身全不傷

姤 麟鳳所遊安樂無憂君子撫民世代千秋

萃 褰衣涉河水深漬罷賴幸舟子濟脫無他

升 憤憤不悅憂從中出喪我金罍無妄失位

困 絆跳不遠心與言反尼父望家菑齒未華

井 大壯肥牂惠我諸舅内外和睦不憂飢渴

革 黃帝建元文德在身祿若陽春封為魯君

鼎 虎聚摩牙以待豚猪往必傷亡宜利止居

震 天地配享六位光明陰陽順序以成和平蒙之小畜

艮 猿墜高木不踈手足保我金玉還歸其室蒙之履

漸 營室紫宮堅不可攻明神建德君受大福

歸妹 孤翁寡婦獨宿悲苦目張耳鳴無與笑語歸妹之履

豐 低頭窺視有所畏避行者不利酒酸魚敗眾莫貪嗜

旅 載金販狗利棄我走藏匿淵底悔折為咎

巽 行觸大忌與司命悟執囚束縛拘制於吏中孚之震

允 執玉歡喜佩之解孽危詳及安使我無患

渙 機杼紛擾女功不成長妹許嫁衣無襦袴聞禍不成凶惡

消去

節 金人鐵距火燒左右雖懼不恐獨得全處

中孚謝恩拜德東婦吾國舞蹈欣躍歡樂受福

小過青牛白咽呼我俱田歷山之下可以多耕歲樂時節民人

安寧

既濟白雉羣雉慕德朝貢湛露之恩使我得權

未濟避患東西反入禍門糟糠不足憂愁我心

師之第七

師 烏鳴呼子哺以酒脯高樓之處子來歸母穡人成功年歲

大有姪婦無子

乾 一簧兩舌佞言諂語三姦成市曾母投杼

坤 春桃生花季女宜家受福且多在師中吉男為封君

屯 殊類異路心不相慕牝牛牡猴獨無室家

蒙 折葉蔽目不見稚叔三足孤鳥遠其元夫

師

易林

七

需 雀東求粒誤入罔域賴逢君子脫復歸息
訟 王孫季子相與孝友明允篤誠升擢薦舉為國幹輔
比 削樹無枝與子分離飢寒莫食獨泣哀悲
小畜舜升大禹石夷之野徵詣玉闕拜理水土
履 義不勝情以欲自營見利危寵滅君令名
泰 三人北行六位光明道逢淑女與我驥子
否 羿張烏號穀射天狼柱國雄勇闢死榮陽
同人季姬踟躕結衿待時終日至暮百兩不來
大有鴻鴈翩翩始怨勞苦災疫病民鰥寡愁憂
謙 穿習狗邦僵離旁春天地易紀日月更始
豫 北山有棗使叔壽考東嶺多粟宜行賈市陸梁雌雉所至
利喜

隨 千旄旌旗撫幟在郊雖有寶玉无路致之

蠱 精潔淵塞為讒所言證訊詰請繫於枳溫甘棠聽斷怡然

蒙恩

臨 玄黃虺隤行者勞罷役夫憔悴踰時不歸

觀 膚敏之德發憤忘食虜豹禽說以成主德禽一作擒

噬嗑采唐沫鄉要我桑中失信不會憂思約帶

賁 伯寧子福惠我邦國蠲除苛殘使李無患

剝 讒父佞雄賊亂邦國生雖忠孝敗恩不福

復 淵泉隄防水道通利順注湖海邦國富有

無妄江南多蝮螫我手足寃繁詰屈痛徹心腹

大畜三人俱行別離獨食一身五心反覆迷惑亂無所得

頤 鴉鳴庭中以戒災凶重門擊柝備不速客

大過功成事就拱手安居立德有言坐飾貢賦

坎 國亂不安兵革為患掠我妻子家中飢寒

離 戴堯扶禹從喬彭祖西遇王母道路夷易無敢難者

咸 長尾委蛇畫地成河深不可涉絕無以比惆悵會息

恒 乘龍從蜺徵詣北闕乃見宣室拜守東城鎮慰黎元舉家

蒙福

遯 土與山連終身無患天地高明萬歲長安

大壯久旱水涸枯槁無澤虛修其德未有所獲

晉 依天倚地凶危不至上清下淨受福大明君受其利

明夷火烈不去必殪僵仆燔我衣裾福不可悔

家人配合相迎利之四鄉欣喜興釋所言得當

睽 清人高子久屯外野道遙不歸思我慈母

蹇 武庫軍府甲兵所聚非里邑居不可舍止

解 三德五才和合四時陰陽順序國無咎災

損 解衣毛羽飛入大都晨門戒守鄭忽失家

益 削根燒株不生肌膚病在心腹日以焦枯

夬 文山紫芝雍梁朱草生長和氣福祿來處

姤 多載重負捐弃于野子母誰子但自勞苦

萃 鳧雁啞啞以水為家雌雄相和心志娛樂得其歡欲

升 耳目盲聾所言不通佇立以泣事無成功

困 天宮列宿五神所舍宮闕堅固君安其居

井 范子妙材戮辱傷膚然後相國封為應侯

革 秋冬探巢不得鵲雛銜指北去慙我少夫

鼎 子畏於匡厄困陳蔡德行不危竟脫厄害

震 鴻飛在陸公出不復仲氏任止伯氏客宿
艮 鶴鳴九臯避世隱居抱朴守真竟不隨時

漸 舜升大禹石夷之野徵詣玉闕拜治水土
乾之中孚 師之小畜 與蒙之坤 下四句同

豐 崔嵬北岳天神貴客衣冠不已蒙被恩德
旅 空槽注猪豷彘不到張弓祝雞雄父飛去

巽 胡蠻戎狄大陰所積涸水凍寒君子不存
允 甘露醴泉太平機關仁德感應歲樂民安
屯之謙

渙 惡來呼伯慎驚外客甲守閉宅以備凶急臨折之憂將滅
無災

節 日月相望光明盛昌三聖茂功仁德大隆
蒙之謙 否之賁
中孚葛藟蒙棘華不得實讒佞亂政使恩壅塞

小過 隣不我顧而望玉女身多癩疾誰肯媚者

既濟 精誠所在神為之輔德教尚忠彌世長久三聖尚功多受
福祉

未濟 鑽木取火掘地索泉主母飢渴手為心禍
比之第八

比 鹿得美草鳴呼其友九族和睦不憂飢乏長子入獄霜降
族哭
同人之蹇 益之恒

乾 繼祖復宗追明成康光照萬國享世久長
坤 麟子鳳雛生長家國和氣所居康樂無憂邦多聖人

屯 取火流泉釣鱖山顛魚不可得火不肯燃
小畜 之屯
蒙 彭生為娛白虎行菑盜堯衣裳桀跖荷兵青禽照火三日
夷傷

比

需 黍稷醇醴敬奉山宗神嗜飲食甘雨嘉降黎庶蕃殖獨蒙

福祉

訟 李花再實鴻飛降集仁哲權輿蔭國受福小畜之離 豫之小過

師 千歲之墟大國所屠不見子都城空無家

小畜 公子王孫把彈揖丸發輒有得室家饒足

履 驪姬讒喜與二嬖謀譖殺恭子賊害忠孝申生以縊重耳

奔逃

泰 長生無極子孫千億栢柱載青堅固不傾

否 失意懷憂如幽狴牢亡子喪夫附托寄居

同人 仁智隱伏麟不可得龍蛇潛藏虛居堂室

大有 捩絜累累締結難解嫫母銜嫁媒不得坐自為身禍

謙 蜩飛墜木不毀頭足保我羽翼復歸其室

豫 陳媯敬仲兆興齊姜乃適營丘八世大昌始之師屯 之噬嗑

隨 過時不歸雌雄苦悲徘徊外國與母分離

蠱 齊魯爭言戰於龍門構怨結禍三世不安坤之離同人 之睽謙之咸

臨 府藏之富王以賑貸捕魚河海苟願多得損之睽同 人之益

觀 鳴鶴北飛下就稻池鱸鮪鯉鯉眾多饒有一狗獲兩利得

過倍

噬嗑 蒼梧鬱林道易利通元龜象齒寶貝南金為吾福功

賁 兩火爭明雖聞不傷分離且忍全我弟兄

剝 伯夷叔齊貞廉之師以德防患憂禍不存泰之 乾

復 季去我東髮櫛如蓬展轉空牀內懷憂傷一本作 賁辭

無妄 百足俱行相輔為強三聖翼事王室寵光

大畜 壅遏隄防水不得行火盛陽光陰蜺伏藏退還其鄉

頤 滕蛇乘龍年歲飢凶民食草蓬

大過鉛刀攻玉堅不可得盡我筋力胝蠶為候坤之豫

坎 恒山浦壽高邑所在陰氣下淋洪水不處牢人開戶

離 比目四翼來安我國福善上堂與我同牀損之隨同人之允

咸 杜口結舌心中怫鬱去菑患生莫所告寃否之巽之井

恒 牽尾不前逆理失臣忠莫往來惠朔以奔

遯 早霜晚雪傷害禾麥損功棄力飢無所食需之咸

大壯適戍失期患生無聊懼以發憂發藏閉塞邦國騷愁

晉 昊天白日照臨我國萬民康樂咸賴嘉福

明夷元吉无咎安寧不殆時行則行勿之有悔

家人懿公淺愚不深受謀無援失國為狄所賊

睽 城上有烏自號破家呼喚鳩毒為國患災

蹇 長股喜走趨步千里王良嘉言伯來在道申見王母

解 耕石山顛費種家貧無聊處作苗髮不生

損 二人異路東趨西步千里之行不相知處

益 純服黃裳載土以興德義茂生天下婦仁

夬 五銑鐵頤倉庫空虛賈市無盈與利為仇

姤 登崑崙入天門過糟丘宿玉泉問惠觀見仁君

萃 團團白日為月所食損上毀下鄭昭出走

升 倉盈庾億宜稼黍稷年歲有息國家富有乾之師坤之恒

困 虎狼結謀相聚為保伺嚙牛羊道絕不通傷我商人

井 木年摧折常恐不活老賴福慶光榮相輔

革 同載共車中道分去喪我元夫獨為孤苦隨之比

鼎 飲酒醉酗跳躍爭鬪伯傷叔僵東家治喪

震 出值凶災逢五赤頭跳言死格扶杖伏聽不敢動搖

艮 狼虎爭強禮義不行兼吞其國齊晉無主小畜之隨

漸 南國少子方畧美好求我長女薄賤不與反得醜惡後乃

大悔泰之晉

歸妹 一身兩頭莫適其軀亂不可治孰為湯漢

豐 李耳彙鵠更相恐怯偃尔以腹不能距格

旅 松柏棟梁相輔為強八哲五教王室康寧

巽 雀行求食暮歸孚乳反其屋室安寧如故

允 四尾六頭為凶作妖陰不奉陽上失其明

渙 一衣三闕結緝不便岐道異路日暮不到

節 牙蘗生齒室當啓戶幽人利貞鼓翼起舞

中孚 春鴻飛東以馬質金利得十倍重載歸鄉

小過 歡悅以喜子孫俱在守發能忍不見殃咎

既濟 精神消落形骸醜惡齟齬頓挫枯槁腐蠹

未濟 登高上山見王自言申理我寃得職蒙恩

焦氏易林卷第二

焦氏易林卷第三

小畜之第九

小畜白鳥銜餌嗚呼其子幹枝張翅來從其母伯仲叔季尤賀舉手

乾 東遇虎地牛馬奔驚道絕不通南困無功

坤 子鉏執麟春秋作元陰將以終尼父悲心

屯 取火泉源釣魚山顛魚不可得火不可然比之屯

蒙 機關不便不能出言精誠不通為人所寃

需 故室舊廬稍弊且徐不如新巢可治樂居

訟 蝮蛇循流東求大魚預且舉網庖人歌謳

師 鑿山通道南至嘉國周公祝祖襄適荆楚

比 鵲近却縮不見頭日日以困急不能自復

小畜

易林三

一

士礼居藏

履 五舌啄難各自有言異國殊俗使心迷惑所求不得

泰 天門開闢牢戶寥廓桎梏解脫拘囚縱釋

否 堅冰黃鳥常哀愁悲數驚鷲鷲為我憂

同人 日走月步趣不同舍夫妻反目主君失居

大有 金牙鐵齒西王母子無有患殃扶舍陟道到來不久

謙 式微式微憂禍相半隔以岩山室家分散

豫 衆神集聚相與議語南國虛亂百姓勞苦興師征伐更立

賢主

隨 虎狼爭食禮義不行兼吞其國齊魯無主比之

蠱 寄生無根如過浮雲本立不固斯須落去更為枯樹

臨 子啼索哺母行求食反見空巢長息嗚弋

觀 駕駟逐狐輪掛荆棘車不結轍公子無得

噬嗑 方啄廣口仁智聖厚釋解倒懸唐國太安

賁 駕福乘喜來至家國戴慶南行離我安居

剝 孔鯉伯魚北至高奴木馬金車駕遊大都王母送我來牝

字駒

復 三足無頭不知所之心狂精傷莫使為明不見日光

無妄 駉牝龍身日馭三千南止蒼梧與福為婚道里夷易安全

無忌

大畜 辰次降婁王駕巡時廣佑施惠安國無憂

頤 望幸不到文章未就王子逐走馬騎啣傷朕跡不得曷其

有常

大過 中原有菽以待饗食飲御諸友所求大得

坎 亂茅縮酒靈巫拜禱神怒不許瘁愁憂苦

離 李華再實鴻卵降集仁哲以興陰國受福比之訟豫

咸 源出陵足行於山趾不為暴害民得安居

恒 客入其門奔走東西童女不織士棄耕畝暴骨千里歲寒

無年

遯 天之所予福祿常在以永康寧不憂危殆

大壯 蝗食我稻驅不可去實穗無有但見空藁

晉 牛驥同堂郭氏已亡國破空虛君奔走逃

明夷 狗無前足陰謀其北為身賊害何以安息

家人 兩輪自轉南上大阪四馬共轅無有重難與禹笑言鶴鳴

竅穴不離其室

睽 芽孽生達陽昌於外左手執籥公言錫爵

蹇 秋花冬萼數被嚴霜甲兵當庭萬物不生雄犬夜鳴民擾

大驚

解 霜降閉戶蟄虫隱處不見日月與死為伍坤之

損 身載百里功加四海為文開基武立大柱

益 禹作神鼎伯益銜指斧斤高閣憧位獨坐賣庸不售苦困

為禍

夬 福祚之家喜至憂除如風兼雨出車入魚

姤 蒼龍隱伏麟鳳遠匿寇來同處未得安息

升 白鶴嚙珠夜食為明懷安德音身受光榮

萃 旦生夕死名曰嬰鬼不可得視

困 行役未已新事復起姬姜勞苦不得休息

井 憂患解除喜至慶來坐立懽忻與樂為隣蒙之

革 晨風之翰大舉就温昧過我邑昇無所得

鼎 下田稷黍芳華生齒大雨集降紛澇滿甕

震 君子碌碌鳥庇茂木見春百穀心勞願德

艮 折臂踈足不能進酒祠祀闊曠神怒不喜

漸 學靈三年聖且神明光見善祥吉喜福慶鳴鳩飛來告我

無憂一作鹿鳴鴻飛鳴見善祥

歸妹 三婦同夫志不相思心懷不平志常愁悲

豐 中田膏黍以享王母受福千億所求大得

旅 陽火不災喜至慶來降福送喜鼓琴歌謳

兌 陽明不息君無恩德伯氏失利農喪其力

巽 燕雀銜茅以生孚乳兄弟六人姣好孝悌各得其願和悅

相樂

渙 鷄尾奔奔火中成軍號叔出奔下失其君

節 兩人相距止不同舍夫妻離散衛侯失居

中孚 魃為燔虐風吹雲却欲上不得反歸其宅

小過 關雎淑女配我君子少妻在門君子嘉喜

既濟 慈母赤子饗賜得士夷狄服除以安王家

未濟 三足孤鳥靈鳴督卸思過罰惡自賊其家

履之第十

履 十鳥俱飛昇得九雌雖得得全且驚不危

乾 東嚮藩垣相與笑言子般執鞭圉人作患

坤 循河摘舟旁淮東游漁父舉網先得大鱮

屯 轅折輪破馬倚僕卧後旅先宿右足跌踈

蒙 兩人相絆相與悖戾心不同爭訟凶凶然

需 北辰紫宮衣冠立中含和建德常受天福 需之六坤之觀

訟 遊居石門祿身安全受福西隣婦飲玉泉

需之既濟

師 羊腸九縈相推併前止須王孫乃能上天

比 爭訟相倍和氣不處陰陽俱否穀風母子

小畜 郭叔距頤為棘所拘龍額重賴禍不成殃復婦其鄉

泰 蠶室蜂戶螫我手足不得進止為吾害咎

屯之明夷

否 怒非其怨因拘有遷貪妬腐鼠而呼鴉鳶失反被困

同人 嬰孩求乳母婦其子黃鸞悅喜自樂甘餌

大有 鍼鏤勝服錦繡不成鷹逐雉鬼爪折不得

謙 雨潦集降河梁不通鄒魯閉塞破費市空

豫 封豕溝瀆水潦空谷客止舍宿泥塗至腹處無黍稷

隨 三姦相擾桀跖為交上下騷離隔絕天道

蠱 齊景惑疑為孺子牛嫡庶不明賊孽為患

臨 三羊俱亡走奔南行會暮失跡不知所藏

觀 請伯行賈代山之野夜歷險阻不逢危殆利如澆酒

噬嗑 桑之將落殞其黃葉失勢傾側而無所立

賁 上山求魚入水捕狸市非其婦自令久留

剝 名成德就項領不試景公羞老尼父逝去

否之屯

復 天之與隅堯舜所居以存保身為我國家

無妄 雌鳩淑女賢聖配偶宜家壽福吉慶長久

大畜 兩人俱爭莫能有定心乖不同訟言起凶

頤 涉伯狗名弃禮誅身不得其道成子奔燕

大過 踰江求橘并得大栗烹羊食肉飲酒歌笑

坎 山險難升礮中多石車馳轄擊重傷載軸擔負善躓跌踈

右足 乾之謙

離 元利孔福神所子畜般樂無苦得其歡欲
咸 烏鵲食穀張口受哺蒙被恩福長大成就柔順利貞君臣

合好

恒 潼瀟蔚蒼膚寸來會津液下降流潦滂沛

遯 路多荆棘步刺我足不利旅客為心作毒損卦同

大壯 虺蝮所聚難以居處毒螫痛甚瘡不可愈

晉 麟鳳相隨觀察安危東郭聖人后稷周公共和政令君子

攸同利以居止長無憂凶

明夷 築亂不時使民恨憂立社為笑君危臣騷

家人 黃帝所生伏羲之宅兵刃不至利以居止屯之萃之

睽 雀行求食暮歸屋宿反其室舍安寧無故屯之巽之

蹇 太倉積穀天下饒食陰陽調和年歲時熟

解 竿旄旗旌執幟在郊雖有寶珠無路致之師之隨豫之中孚

損 履機蹈顛墜入寒淵行不能前足矮不便

益 嘶命止車和合兩家蛾眉皓齒二國率殭

夬 吉日車攻田弋獲禽宣王飲酒以告嘉功

姤 重伯黃寶宜以我市嫁娶有恩利得過母

萃 延頸望酒不入我口深以自喜利得無有訟之益之

升 牧為代守饗食甘賜得吏士意戰大破胡長安國家

困 日出溫谷臨照萬國高明淑仁虞夏配德

井 逐兔索鳥破我弓車日暮不及失利後時

革 譎言妄語傳相誑誤道左失迹不知所處

鼎 履虎躡蛇貶損我威君子失車去其國家

震 本根不固花葉落去更為孤嫗不得相親

艮 五輓四輓優得饒有陳力就列騶虞喜悅
 漸 黃帝紫雲聖且神明光見福祥告我无殃
 歸妹 五利四福俱佃高邑黍稷盛茂多獲藁稻
 豐 羣虎入邑求索肉食大人衛守君不失國
 旅 烏子鵲雛常與母居願慕羣侶不離其巢
 巽 蹇驢不材駿驥失時筋勞力盡罷於沙丘
 允 玄鬣黑顙東歸高鄉朱鳥道引靈龜載莊遂抵天門見我
 貞君
 渙 探巢得雛鳩鵲來俱使我音娛
 節 安上宜官一日九遷升擢超等牧養常山君臣獲安
 中孚 大頭目明載受嘉福三雀飛來與祿相得
 小過 遠視千里不見黑子離婁之明無益于光

既濟三女為姦俱遊高園倍室夜行與伯笑言不忍主母失禮

酒寃皇天誰告

未濟日辰不和強弱相振一雌兩雄客勝主人

泰之第十一

泰 求玉陳國留連東域須我王孫四月來復主君有德蒙恩

受福

乾 伯夷叔齊貞廉之師以德防患憂禍不存比之

坤 濟深難渡濡我衣袴五子善權脫無他故他字一作衣

屯 倚立相望適得道通驅駕奔馳比目同床

蒙 葛藟蒙棘花不得實讒佞為政使恩壅塞師之中孚

需 四足無角君子所服南征述職與福相得

訟 蹀踵之傷左指病癱失旅後時利走不來蒙之履

泰

易林三

七

師 春城夏國生長之域可以服食保全家國
 比 望驥不來駒蹇為憂雨驚我心風撼我肌
 小畜久客無牀思婦我鄉雷雨涌盈道不得通
 履 舫船備水旁可燃火積善有徵終身無禍
 否 陟岵望母役事未已王政無監不得相保
師之
 同人多載重負捐棄于野予母誰子但自勞苦
 大有生直地乳上皇大喜賜我福祉受命無極
否之
 謙 翁翁鞦韆稍墮山顛滅其令名長沒不全
 豫 東隣嫁女為王妃后莊公築館以尊王母婦于京師季姜
 悅喜
 隨 伯虎仲熊德義淵閎使布五穀陰陽順叙
坤之始 益之屯
 蠱 敏捷敬疾如猿升木彤弓雖調終不能獲

臨 舉被覆目不見日月衣裘簟床就長夜室
坤之
 觀 忍醜少羞無面有頭虛日以弊消寡耗減
 噬嗑涸陰沍寒常冰不温令人墮息電大為災
 賁 夏麥麩霜擊其芒疾君敗國使民夭傷
 剝 淵涸龍憂箕子為奴午叔隕命殷破其家
午當作干 謂比干也
 復 跛躄相隨日暮牛罷陵遲後旅失利亡雌
 無妄桑之將落隕其黃葉失勢傾側如無所立
 大畜生長以時長育根本陰陽和德歲樂無憂
 頤 童女無夫未有匹配陰陽不和空坐獨宿
 大過春令原宥仁德不合三聖攸同周國茂興
 坎 金精耀怒帶劍過午兩虎相距雖驚无咎
 離 危坐至暮請求不得膏澤不降政戾民忒

咸 老揚日衰條多枯枝爵級不進日下摧墮蒙之

恒 蔡侯適楚留連江濱踰時歷月思其君后

遯 右撫劍頭左受鈎帶凶訟不止相與爭戾失利市肆

大壯 水流趨下遠至東海求我所有買鮪與鯉訟之比

晉 登几上輿駕駟南遊合縱散衡燕秦以強

明夷 求兔得獐過其所望歡以相迎高位夷傷

家人 過時不歸道遠且迷旅人心悲使我徘徊

睽 冤孤無室街指含食盜張民饋見敵失肉

蹇 居如轉丸危不得安東西不寧動生憂患

解 坤厚地德庶物蕃息平原正直以綏大福

損 捌蔽牡荆生賢山傍仇敵背憎孰肯相迎

益 鳳凰銜書賜我玄珪封為晉侯

夬 作凶不善相牽入井溺陷辜罪禍至憂有

姤 悲鳴北行失其長兄伯仲不幸骸骨散亡

萃 羔衣豹裘高易我家君子維好

升 日中為市各抱所有交易資貨貧珠懷寶心悅歡喜

困 振急絕理常陽不雨物病焦乾華實無有

井 狐貉載剝徒温厚蓐寒棘為疾有所不足

革 履踐危難脫執去患入福喜門見誨大君

鼎 四亂不安東西為患退止我足毋出國城乃得全完賴其

生福

震 南國少子才略美好求我長女賤薄不與反得醜惡後乃

大悔比之漸

艮 妄怒失理陽孤無輔物病焦枯年飢於黍

漸 倬然遠谷避患害早田獲三狐見民為寶

婦妹逐鹿山巔利去我西維邪南北無所不得

豐 龍蛇所聚大水來處滑滑涕涕使我無賴

旅 從風吹火牽騏驎尾易為功力因催受福

巽 澤狗水鳧難畜少雛不為家饒心其函通

允 水壞我里東流為海龜鳧謹囂不覩慈母

渙 褰衣涉行水深清多賴幸舟子濟脫無他

節 龜厭河海陸行不止自令枯槁失其都市憂悔為咎亦無

及已

中孚同本異業樂仁政德東隣慕義來興我國

小過桃李花實累累日息長大成熟甘美可食為我利福

既濟重瞳四乳聰明順理無隱不形微視千里災害不作君子

集聚

未濟實沈參墟以義討尤次止結盟以成霸功

否之第十二

否 秦為虎狼與晉爭強併吞其國號曰始皇

乾 天之奧府眾利所聚可以饒有樂我君子

坤 天之所災凶不可居轉徙獲福留止危憂

屯 名成德就項領不試景公耄老尼父逝去

蒙 特善避患福祿常存雖有豺虎不能危患

需 避患東西反入禍門糠糟不屬憂動我心

訟 珪璧琮璋執贄見王百里甯越應聘齊秦

師 揚水潛鑿使君潔白衣素朱表遊戲臯沃得君所願心志

娛樂

比 官爵相保居之無咎求免不得怕使恨悔

小畜載元無禪羸程出門小兒作笑君為憂患

履 把珠入口為我利寶得吾所有欣然嘉喜

泰 行不如還直不如屈進不若退可以安吉

同人眾鬼凡聚還生大怪九身無頭鬼驚鬼去不可以居

大有家給人足頌聲並作四夷賓服于戈囊閣

謙 人面鬼口長舌為斧斲破瑚璉殷商絕祀

豫 南山之峻真人所在德配唐虞天命為子保佑飲享身受

大慶

隨 春桃生花季女宜家受福多年男為邦君

蠱 鷓鴣破斧沖人危殆賴其忠德轉禍為福傾危復立

臨 猿墮高木不踈手足保我金玉還歸其室

觀 天之奧隅堯舜所居可以存身保我邦家

噬嗑伯蹇叔盲足病難行終日至暮不離其鄉

賁 日月相望光明盛昌三聖茂功仁德大隆

剥 桃李花實累累日息長大成就甘美可食

復 入和出明動作有光運轉休息動作尤康

無妄陰冥一作衰老極陽建其德履離載光天下叨明功業不長

蝦蟆代王大有之臨坤之未濟

大畜行役未已新事復起姬姜勞苦不得休息

頤 狐鳴苑北飢無所食困於空上莫與同力

大過雄聖伏名人匿麟遠走鳳飛北擾亂未息

坎 病貧望幸使伯行販開牢擇羊多得大牂

離 翁翁鞦鞢稍稍崩顛滅其令名長沒不存

咸 花薄實槁衣弊如絡女功不成絲布如玉

恒 温山松栢常茂不落鸞鳳所止得以歡樂需之坤

遯 失恃母友嘉偶出走攫如失兔僕如虐狗虐作喪

大壯 太乙駕騮從天上求徵我叔季封為魯侯屯之隨需之比

晉 雙鳧俱飛欲歸稻池徑涉濯澤為矢所射傷我胸臆屯之

明夷 深坑復平天下安寧意娛心樂賴福長生

家人 俱為天民雲過吾西風伯雨師與我無恩

睽 野鳥山鵲來集六博三鳥四散主人勝客

蹇 北陰司寒堅冰不温凌人情怠大雹為災

解 伊尹致仕去桀耕野執順以傳反和無咎

損 北風牽手相從笑語伯歌季舞讌樂以喜

益 從巢去家南過白馬東西受福與母相得

夬 鳥飛跌跛兩兩相和不病四支但去莫疑

姤 三年生駒以戌為母荆夷上侵姬伯出走坤之震需之訟

萃 破筐敝筥弃捐於道壞落穿敗不復為寶

升 結紐得解憂不為禍食利供家受福安坐

困 白日陽光雷車避藏雲雨不行各自止鄉

井 杜口結舌心中怫鬱凶災生患無所告冤否之巽比之咸

革 賈負贖狸不聽我辭繫於虎鼻牽不得來需之睽

鼎 持鶴抱子見蛇何咎室家俱在不失其所

震 逐兔山西利走入門賴我仁德獲為我福

艮 興役不休與民爭時牛生五趾行危為憂

漸 春粟夏梨少鮮希有斗千石萬貴不可販

歸妹 悲號北行失其長兄伯仲不幸骸骨散亡

豐 賦斂重數政為民賊杼軸空盡家去其室

旅 履服白縞殃咎並到憂不敢笑

兌 免冠進賢步行出朝門體不正賊孽為患

巽 杜口結舌言為禍母代伯受患無所禱寃否之井比之咸

渙 娶於姜女駕迎新婦少齊在門夫子悅喜

節 牧羊稻園聞虎喧囂思恐悚息終無禍患屯之復

中孚 老妾据機緯絕不知女功不成冬寒無衣

小過 乘龍吐光使陰復明燎獵載聖六師以昌

既濟 東隣嫁女為王妃后莊公築館以尊主母歸於京師季姜

悅喜 屯之觀

未濟 灌鵠東從道頓跌跣日食不退病為身禍

焦氏易林卷第三

焦氏易林卷第四

同人之第十三

同人 密橐山巔銷鋒鑄刃示不復用天下大勸

乾 一臂六手不便於口莫肯與用利弃我走

坤 獐鹿逐牧飽歸其居安寧無悔

屯 鴻魚逆流至人潛渚蓬蒿代柱大屋顛倒

蒙 三殺五牂相隨俱行迷入空澤經涉六駮為所傷賊

需 黃帝出遊駕龍乘馬東上太山南過齊魯邦國咸喜

訟 履危不安心欲東西步走逐鹿空無所得

師 望尚阿衡太宰周公藩屏湯武立為侯王

比 白龍黑虎起伏俱怒戰於阪兆蚩尤走敗死於魯首蒙之坎益

同人

之比

小畜載石上山步跌不前頰眉之憂不得所歡

履周德既成杼軸不傾申酉跌暮耄老衰去箴石不祐

泰乘雲帶雨與飛鳥俱動舉千里見我慈母

否賈賈贖狸不聽我辭繫我虎鬚牽不得來

大有三翼飛來是我逢時俱行先至多得大利

謙兩足四翼飛入家國寧我伯子與母相得

豫按民呼池玉孟文案魚如白雲一國獲願

隨季姬踟躕望我城隅終日至暮不見齊侯君上無憂

蠱龍渴求飲黑雲影從河伯奉觴跪進酒漿流潦滂滂

臨出門逢患與福為怨更相擊刺傷我手端

觀播天舞地神明所守安樂無咎

噬嗑兩金相擊勇氣鈞敵終日大戰不破不缺

賁車雖駕兩紉絕馬奔出雙輪脫行不至道遇害

剝文山紫芝雍梁朱草長生和氣王以為寶公尸侑食福祿

來處

復把珠入口為我畜寶得吾所有欣然嘉喜

無妄負牛上山力劣行難烈風雨雪遮遏我前中道復還憂者

得歡

大畜陶朱白珪善賈息資三致千金德施上人

頤子鉏執麟春秋作元陰聖將終尼父悲心

大過春日載陽福履齊長四時不忒與樂為昌

坎孔德如玉出於幽谷飛上喬木鼓其羽翼大光照國

離甌脫康居慕仁入朝湛露之歡三爵畢恩復歸窮廬以安

其居

咸 秋冬夜行照覽星辰道理利通終身何患

恒 鳴鵠抱子見蛇何咎室家俱在不失其所

遯 安和泰山福祿屢臻雖有豺虎不能危身

大壯 老目瞢眠不知東西君失理命以直為樞王珎其寶

晉 植璧秉珪請命于河周公剋敏冲人瘳愈

明夷 大王執政歲熟民富國家豐有主者有喜

家人 爭訟相背和氣不處陰陽俱否穀風無子

睽 齊魯爭言戰於龍門構怨結禍三世不安比之蠱 坤之離

蹇 鹿得美草嗚呼其友九族和穆不離邦域

解 百里南行雖微復明去虞適秦為穆國卿

損 梅李冬實國多寇賊亂擾並作王不能制屯之 師益 府藏之富王以賑貸捕魚河海苟罔多得巨蛇大輶戰於

國郊君遂走逃比之臨 損之睽

夬 杜飛門啓患憂大解去老乘馬不為身禍需之 兌

姤 宜昌娶婦東家歌舞長樂歡喜

萃 正陽之央甲氏以亡禍及留吁湮滅為墟

升 鳥過稻廬甘樂麴鮓雖驅不去田畷懷憂

困 跛躄俱行日暮車傷失旅乏糧

井 龍門水穴流行不害民安其土君臣相保

革 山陵四塞遏我徑路欲前不得復還故處

鼎 兩虎爭鬪血流漂杵城郭空墟蒿藜塞道

艮 龍生無常或托空葉憑乘風雲為堯立功

震 依叔墻隅志下心勞楚亭晨食韓子低頭

漸 魁行搖尾逐雲吹水汗泥為陸下田為稷

婦妹跛躄相隨日暮牛罷陵遲後旅失利亡雌

豐 三人俱行北求大牂長孟病足請季負囊柳下之寶不失

驪黃

旅 鳳凰在左麒麟在右仁聖相遇伊呂集聚傷害不至時無

殃咎福為我母

訟之

巽 乘筏渡海雖深不殆曾孫皇祖累累具在

允 比目四翼來安吾國賚福上堂與我同床

比之離 損之隨

渙 娶於姜呂駕迎新婦少齊在門夫子悅喜

否之 渙

節 螟虫為賊害我稼穡盡禾單麥秋無所得

中孚 衣裳顛倒為王來呼成就東周邦國大休

小過 王孫季子相與為友明允篤誠升擢慶舉

既濟 踊泉滑滑流行不絕汙為江海敗毀邑里家無所處聞虎

不懼向我笑喜

未濟 桑戶竊脂啄粟不宜亂政無常使心孔明

大有之第十四

大有 白虎張牙征伐東來朱雀前驅讚道說辭敵人請服銜璧

前趨

乾 南山大行困於空桑老沙為石牛馬無糧

坤 蟠枝失岐與母別離絕不相知

屯 尊尊所言莫知我恒懼樂堅固可以長安

乾之 困

蒙 李梅零墜心思憤憤懷憂少愧亂我鬼氣

需 火雖熾在吾後寇雖多在吾右身安吉不危殆

訟 虎卧山隅鹿過後胸弓矢設張狴為功曹伏不敢起逐至

平野得我美草

大有

易林四

四

師 三火起明兩滅其光高位疾顛驕恣誅傷

比 匹君楚馬遇讒無辜久旅離憂

小畜 一室百子同公異母以義防患禍災不起

履 商人行旅資所無有貪貝利珠留連王市還旋內顧公子

何咎

泰 禹將為君北入崑崙稍進揚光登入溫湯代舜為治功德

昭明

否 乾行天德覆幬無極嘔呼烹熟使各自得

同人 南國盛茂黍稷醴酒可以享老樂以嘉友

謙 方船備水旁河然火終身無禍

豫 雷行相逐無有休息戰於平陸為夷所覆

隨 躑躅踟躕拊心搔頭五晝四夜睹我齊侯

蠱 大口宣唇神使伸言黃龍景星出應侯門與福上天天下

安昌 需之萃

臨 陰衰老極陽建其德離陽載光天下昭明 否之無妄坤之未濟

觀 三塗五岳陽城太室神明所伏獨無兵革

噬嗑 年豐歲熟政仁民樂利以居止旅人獲福

賁 楚烏逢天不時久放離居無羣意味精喪作此哀詩以告

孔憂

剝 出門大步與凶惡忤罵公詈母為我憂恥

復 火至井谷陽芒生角犯歷天戶闕觀太微登上玉牀家易

六公

無妄 牧羊逢狼雖憂不傷畏怖既息終無禍殃

大畜 蘭栗犧牲敬奉貴神享者飲食受福多孫望季不來孔聖

厄陳乾之旅

頤 大蓋治床南歸殺羊長伯為我多得牛馬利於徙居

大過枯樹無枝與子分離飢寒莫養獨立哀悲

坎 天地九重堯舜履中正冠垂裳宇宙平康

離 鳧鷖遊涇君子以寧履德不愆福祿來成

咸 羸禮逐狐為人觀笑牝雞司晨主作亂根

恒 典冊法書藏在蘭臺雖遭亂潰獨不遇災大過坤之大畜

遯 三癡俱狂欲之平鄉迷惑失道不知昏明

大壯瘦瘤瘍疥為身瘡害疾病癰痢常不屬逮

晉 三豕俱走鬪於虎口白豕不勝死於坂下

明夷賴先之光受德之佑雖遭顛沛獨不凶咎

家人上義崇德以建大福明哲且聰周武立功

睽 四亂不安東西為患身止無功不出國城乃得全完賴其

生福

蹇 金牙鐵齒西王母子無有患殆滅害道利小畜之大有

解 賀喜從福曰利蕃息歡樂有得

損 昊天白日照臨我國萬民康寧咸賴嘉福

益 左眇右盲視闇不明下民多孽君失其常

夬 吾家黍梁積委道傍有囊服箱運到我鄉藏於嘉倉

姤 殊類異路心不相慕牝豕無瑕鰥無室家

萃 雀行求食出門見鷄顛蹶上下幾無所處

升 野有積庾穡人駕取不逢虎狼暮歸其宇

困 膚敏之德發憤忘食虎豹禽說為王求福師之觀虎當作虜

井 光祀春成陳項雞鳴陽明失道不能自守

革 左抱金玉右得熊足常盈不亡獲心所欲
 鼎 履泥汗足名困身辱兩仇相得身為痛癢
 震 安居重遷不去其曾未來相聞樂得常產
 艮 天災所遊凶不可居轉徙獲福留止危憂
 漸 昧昧墨墨不知白黑景雲亂擾光明隱伏犬戎來攻幽主
 失國

婦 妹鳧雁啞啞以水為宅雌雄相和心志娛樂得其所欲大畜之鼎
 豐 長生無極子孫千億栢柱載器堅固不傾
 旅 麒麟鳳凰善政得祥陰陽和調國無災殃
 巽 天之奧隅堯舜所居可以存身保我室家
 兌 配合相迎利之四鄰昏以為期與福笑喜
 渙 砥德礪材果當成周拜受大命封為齊侯

節 與福俱坐畜水備火思患豫防終無殃禍
 中孚 晨昏潛處候明昭昭卒連白日為世榮主
 小過 視日再光與天相望長生懽悅以福為多日當作日
 既濟 大頭明目載受嘉福三雀飛來與祿相單
 未濟 梗生荆山命載輸班袍衣剝脫夏熱冬寒立餓枯槁眾人
 莫憐

謙之第十五

謙 王喬無病苟頭不痛亡破失履乏我送從
 乾 喋聒處曜昧冥相待多言少實終無成事
 坤 北辰紫宮衣冠立中含和建德常受大福鉉刀攻玉堅不
 可得

屯 東壁餘光數暗不明主母嫉妬亂我事業

蒙 下背其上盜明相讓嬰子兩頭陳破其虛
 需 鳳生會稽稍巨能飛翱翔往來為眾鳥雄
 訟 鑿井求玉非卞氏寶名困身辱勞無所得一作師
 師 邦桀載役道至東萊百僚具舉君王嘉喜一作訟卦
 比 安息康居異國同廬非吾邦域使伯憂惑
 小畜 江河淮海天之都市商人受福國家富有
 履 同本異葉樂仁上德東鄰慕義來興吾國
 泰 白鶴銜珠夜食為明懷我德音身受光榮
 否 踐履危難脫厄去患入福喜門見吾邦君
 同人 宮商既和聲音相隨驪駒在門主君以歡
 大有 天地配享六位光明陰陽順序以成厥功
 豫 江河淮海天之奧府眾利所聚可以饒有樂我君子否之坤

隨 雙鳥俱飛欲歸稻池經涉藿澤為矢所射傷我胸臆屯之

晉之

蠱 留仲叔季日暮寢寐羸卧失限虐我具囊銜却道傍
 臨 受終文祖承衰復起以義自閉雖苦無咎
 觀 据斗運樞順天無憂與天並居益之節
 噬嗑 周師伐紂戰於牧野甲子平旦天下悅喜
 賁 十雌百雛常與母俱抱雞搏虎誰敢害諸
 剝 桀跖並處人民愁苦擁兵荷糧戰於齊魯
 復 南山昊天刺政閔身疾悲無辜背憎為仇
 無妄 百川朝海流行不止道雖遼遠無不到者
 大畜 目不可合憂來搖足悚惕為懼去我邦域
 頤 鳥升鵠舉照臨東海龍降庭堅為陶叔後封於英六履祿

綏厚

大過北方多棗橘柚所聚荷囊載黍盈我筐筥

坎 懸瓠素餐食非其任失望遠民實勞我心

離 羔羊皮革君子朝服輔政扶德以合萬國

咸 齊魯爭言戰於龍門構怨致禍三歲不安坤之離同人
之睽比之蠱

恒 久陰霖雨塗行泥潦商人休止市無所有

遯 桃雀竊脂巢於小枝搖動不安為風所吹寒心慄慄常憂

殆危

大壯防患備災凶惡不來雖困無憂未獲安休

晉 引順絕糧與母異門不見所懼孰與共言

明夷 鱮鮒去海藏於枯里街巷褊隘不得自在南北極遠渴餒

成疾

家人 恭寬信敏功加四海辟去不祥喜來從母

睽 歲飢無年虐政害民乾谿驪山秦楚結怨

蹇 右目無瞳偏視寡明十步之外不知何公

解 蝸蟾歡喜草木嘉茂百菓蕃熾日益多有

損 常德自如安坐無尤萃入貴鄉到老安榮絕一作無

益 狡兔趨趨良犬逐咋雄雉受害為鷹所獲

夬 春桃生花季女宜家受福多年男為封君

姤 山石朽弊稍崩墜落上下離心君受其祟

萃 水壞我里東流為海龜鳧謹囂不睹我家

升 七竅龍身造易八元法天則地順時施恩富貴長存

困 四夷慕德來興我國文君陟降同受福德

井 華首山頭仙道所遊利以居止長無咎憂

革 鷓鴣徙巢西至平州遭逢雷電闢我葦蘆室家飢寒思吾

故初

鼎 狗無前足陰謀叛背為身害賊

震 陽孤亢極多所恨惑車傾蓋亡身常驚惶乃得其願雌雄

相從 乾之屯

艮 空槽注猪豚彘不到張弓祝雞雄父飛去

漸 長夜短日陰為陽賊萬物空枯藏於北陸

歸妹 爪牙之士怨毒祈父轉憂與已傷不及母

豐 拜跪請兔不德是腐挽眉銜指低頭北去

旅 有莘季女為夏妃后貴夫壽子母字四海

巽 季姜踟躕待孟城隅終日至暮不見齊侯

允 邯鄲反言父兄生患涉叔援俎一死不還

渙 逐鹿山巔利去我西維邪南北利無不得

節 穿鼻繫株為虎所拘王母祝榴禍不成災突然自來

中孚 虎豹能罷遊戲山谷君子仁賢皆得所欲

小過 梅李冬實國多賊盜擾亂並作王不能制

既濟 望幸不到文章未就王子逐兔犬蹄不得

未濟 千柱百梁終不傾僵仁智輔聖周宗寧康

豫之第十六

豫 水將泮散鳴雁噍噍丁男長女可以會同生育聖人

乾 龍馬上山絕無水泉喉焦唇乾口不能言

坤 蔡侯朝楚留連江濱踰時歷月思其后君

屯 文厄羨里湯拘夏臺仁聖不害數困何憂免於縲索為世

雄侯

豫

易林曰

蒙 典冊法書藏在蘭臺雖遭亂潰獨不遇災
需 羶裘羶國文禮不飭跨馬控弦伐我郡邑
訟 星隕如雨弓弱無輔強陽制陰不得安土
師 蝗嚙我稻驅不可去實穗無有但見空藁
比 虎飢欲食為蝟而伏禹導龍門辟咎除患元醜以安
小畜蝙蝠夜藏不敢晝行酒為酸漿魴是鮑羹
履 精華墮落形體醜惡齟齬挫頓枯槁腐蠹
泰 兩足不獲難以遠行疾步不能後旅失時
否 令妻壽母宜家無咎君子之歡得以長久
同人 蚕飢作室昏多亂纏緒不可得
大有 子鉏執麟春秋作元陰聖將終尼父悲心
謙 螟虫為賊害我稼穡禾殫麥盡秋無所得

隨 憂在腹內山崩為疾禍起蕭牆竟制其國
蠱 茹芝餌黃飲食玉瑛與神流通長無憂凶
臨 一夫兩心被刺不深所為無功求事不成
觀 十里望烟散渙四方形容滅亡終不見君
噬嗑 張弓廓弩經涉山道雖有伏虎誰敢害諸
賁 泉閉澤竭王母飢渴君子困窮乃徐有說
剝 野鳶山鵲奕棊六博三梟四散主人勝客
復 羊驚馬走上下揮擾鼓音不絕頃公奔敗
無妄 黃帝神明八子聖聰俱受大福天下康平
大畜 住車醞酒疾風暴起泛亂福器飛揚位草明神降祿道無
害寇

頤 滕蛇乘龍宋鄭飢凶民食草蓬

易本四
大過揚水潛鑿使石潔白裹素表朱遨遊臯澤得君所願心志
娛樂

坎 西過虎盧驚其前樞雖憂無尤

離 衣成無袖不知所穿客指東西未得便安

咸 晨風文翰隨時就温雄雌相和不憂危殆

恒 心多恨悔出言為怪梟鳴于北聲醜可惡請謁不得

遯 離女去夫閔思苦憂齊子無良使我心愁

大壯過時不歸雌雄苦悲徘徊外國與叔分離

晉 鵲巢柳樹鳩集其處任力薄德天命不佑

明夷鶴盜我珠逃於東都懷怒追求郭氏之墟不見踪跡使伯

心憂

家人夫婦相背和氣弗處陰陽俱否莊姜無子

睽 月走日步逃不同舍夫妻反目主君失位

蹇 雖陽嫁女善逐人走三寡失夫婦妬無子

解 周德既成杼軸不傾太宰東西夏國康寧

損 日中為市交易資寶各利所有心悅以喜

益 童妾獨宿長女未室利無所得

夬 忠言輔成王政不傾公劉兆基文武綏之

姤 牛驥同堂郭氏以亡國破為虛主君奔逃

萃 中原有菽以待雉食飲御諸友所求大得

升 多虛少實語不可覆尊虛無酒飛言如雨

困 青蠅集蕃君子信讒害賢傷忠患生婦人

井 履株覆輿馬驚傷車步為我憂

革 商風召寇呼我北盜間諜內應與我爭鬪殫已寶藏主人

不勝

鼎 逸豫好遊不安其家惑於少姬久迷不來

震 吾有驛騶畜之以時東家翁孺來請我車價極可與後無

賤悔

艮 阨窮上通與堯相逢登升大麓國無凶人

漸 衆鬼俱走熊羆在後躋不能進失信寡處

婦 妹旁行不遠三思復返心多畏惡中止舍

豐 倉唐奉使中山以孝文侯悅喜擊子徵召

旅 入天門守地戶居安樂不勞苦一說文山蹲鴟肥脂多脂

王孫獲願載福巍巍

巽 登堦上堂見吾父兄左酒右漿與福相迎

允 秋地向穴不失其節夫人姜氏自齊復入

渙 忍醜少羞無面有頭滅耗寡虛日以削銷

節 景星照堂麟鳳遊翔仁施大行頌聲以興

中孚 竿旌旗執幟在郊雖有寶珠無路致之師之隨履之解

小過 李華再實鴻卯降集仁德以興陰國受福小畜之離比之訟

既濟 白馬赤烏戰於東都天輔有德敗悔為憂

未濟 採薪得麟大命隕顛豪雄爭名天下四分屯之坤

焦氏易林卷第四

震六五林林

乘震卦澤卦大命則頭妻取年天可四合

烈齊白更希是輝然東臨久轉有漸類物為憂

小敬李進再贊射收制某二對以與到爾受辭

中享中其蘇蘇非劑奔取難不資無滋疑之

帝景其照堂編鳳翅似二於大竹節卷以興

與惠顯少益無西不隨然絲真道日以備能

